
RAGAD ADVERTENTIE:

Kabar premi: 1 — 30 temboeng f.1. —
Langkoengipoen, saben 10 temboeng oetawi
kirang: f.0,50.

Advertentie limrah: f.0,15 saqaris;
(apes: — f.1,25).

Moendoet kapatjak langkoeng saking sa-
pisan, oetawi moendoet dados lengganan,
teping rembag roemijin kalijan admini-
stratie.

Hoofdredacteur:
B. SOEMARNA
kabantoe
REDACTIE - COMMISSIE.

SWARA-TAMA

SERAT KABAR KATHOLIEK

== Medal saben dinten Djoemoewah. ==

REGINIPOEN LENGGANAN
SWARA TAMA

sampoen kalijan regining Soeara Katholiek

1 taoen . . . f.7,50 } njoewoen kabajar
1/2 .. . f.3,75 } roemijin.

Adresipoen Redactie lan Administratie
IGNATIUS-COLLEGE
DJOKJAKARTA.

Drukkerij „Canisius” Djokja.

ISIN IPOEN:

Wara-wara—Riaja Wijosan Dalem
—Pitakén lan wangsoelan—Nga-
tos-atos — Gesang rerajatan: enz. —
Badé kétéjalan bati 34 miljoen —
K. W. ing Ambarawa — K. W.
Blitar—Seseboetan lan blandjanipoen
— Pasemon-pasemon ing salebeting
padalangan — Néka-warni — Ontjén
sekar gambir melati — Oerap-sari —
Correspondentie.

WARA - WARA.

Kwartaal IV sampoén mèh
poendat, taoen énggal sampoén
mèh mantjik; mila para lengga-
nan, ingkang dèrèng ngloenasi
kwartaal IV kasoeuwen énggala
maringi.

Wiwit sapoenika lengganan
énggal Taoen '30 oegi dipoen-
kintoeni Sw. Tm. Nanging ka-
woeningana arta lengganan ka-
bajar roemijin.

Saking
Administratie Sw.Tm.

RIAJA WIJOSAN DALEM.

(25 Désèmber).

Sasampoénipoen mangsa Advèn,
ladjeng riaja wijosan Dalem Sang
Kristoes. Advèn asalipoen saking
adventus basa Latin tegesipoen: ra-
woeh, dados mangsa Advèn ateges:
mangsa ngantos-antos rawoeh Da-
lem Sang Kristoes. Tjara Katoelik
anggenipoen ngantos-antos waoe
dipoenkantèni mati raga lair batos.

Jèn riaja Wijosan Dalem, Grédja-
Grédja kapadjang. Para Imam sami
njaosaken Mis kaping tiga, minangka
prasemon: 1e. Mijos Dalem wonten
ing Bètlekè. 2e. Mijos Dalem won-
ten ing manah koela sadaja. 3e. Mi-
jos Dalem saking Hjang Rama.

Ngadat ing Grédja-Grédja wonten
énta-éntaning goewa Bètlekè. Ing-
kang kados makaten poenika won-
tenipoen sampoén wiwit kina. Ing
sakawit énta-éntaning goewa Bè-
tlekè poenika katingal boten ge-
sang, kema kémawon, woesana la-
djeng dipoendamel gesang déning
Santo Fransiskoës Asisi.

Ngadjengaken 25 Désèmber 1223,
Santo Fransiskoës Asisi rembagan
kalijan mitranipoen inggih poenika
Ridder Joanes de Graecio badé
mempeng anggenipoen moeljakaken
wijosan Dalem. Ridder Joanes la-
djeng dawoeh damel goewan won-
ten ing wana, dipoendèkèki pama-
kanaan mawi roempoet aking. Ing
sandingipoen wonten lembœ lan
koeldinipoen. Para moeridipoen Santo
Fransiskoës sami dateng saking
poendi-poendi, tetijang djaler lan
èstri sami ambekta lilin lan obor,
pating klentjar. Ing ngrikoe wonten
Imam ingkang ngoerbanaken Mis
Soetji. Santo Fransiskoës ingkang
dados diaken sarta manjanjèkaken
Indjil Soetji. Para Broeder sanès-
ipoen sami manjanji.

Santo Fransiskoës lajeng moe-
lang dateng tetijang, njrijosaken jèn
Goesti wonten ing pamakanan moe-
lang bab: tresna dateng kamlaratan
toewin dateng kanor-ragan.

Tetijang sami trenjoeh manahi-
poen, nanging ingkang trenjoehipoen
katah pijambak: Santo Fransiskoës.

Wiwit nalika samanten énta-énta-
ning goewa Bètlekè poenika ang-
gadahi teges ingkang lebet (ngemot
piwoelang).

Toemrap Santo Fransiskoës Asisi
sami-sami riaja, dinten wijosan Da-
lem poenika kaanggep ingkang ing-
gil pijambak, djalaran anggenipoen
manoengsa kateboes poenika ing-
kang nomer satoenggal goemantoeng
saking ngrikoe, awit sareng Goesti
sampoén mijos, tetéla jèn manoengsa
kateboes.

Soemangga sami moeljakaken ri-
aja Wijosan Dalem dipoenkadosa
Santo Fransiskoës, inggih poenika
ningali (oetawi ngangen-angen) goe-
wa Bètlekè, lajeng trenjoeh ing
katresnan.

Woesana ngatoeri kasoegegan
Kèrèsmis.

PITAKÈN LAN WANGSOELAN.

Wonten satoenggiling sadèrèk
ingkang takèn makaten:

1e. Poenapa tijang Katoelik ké-
nging njoewoekaken anakipoen da-
teng Kjahi oetawi ngoelama Agami
sanès, soepados boten tansah sesa-
kiten oetawi nangis kémawon.

2e. Oepami laré waoe kasantoenan
naminipoen, amargi tansah sesakiten
kémawon, mbokmanawi boten djodo
kalijan namanipoen waoe, poenapa
inggih kénging? Poenapa sadaja
waoe boten kalebet goegon-toehon?

Wangsoelan:

Manawi mawang oengeling pita-
kèn kekalih poenika, sadaja kalebet
goegon-toehon, dados boten kénging
dipoentindakaken. Nanging soepa-
dos tjeta, badé koela djereng.

Tijang saged andjampèni laré
kados makaten poenika:

a) namoeng awewaton kodrat,
kadosta dokter boten saged andjam-
pèni, dipoenpidjetaken lajeng man-
toen. Ingkang kados makaten poenika
kénging kémawon, sanadjan ingkang
midjeti waoe Kjahi oetawi ngoelama
sanès. Nanging toemrap tijang Ka-
toelik lajeng boten kénging, sa-
mangsa lajeng misoeuwer, bilih
tijang Katoelik waoe katingal soe-
joed dateng ngelmoenipoen Kjahi
oetawi dateng Agami sanès.

b) saking pitoeloenganingsétan. Jèn
makaten, boten kénging babar pisan.

c) saking pitoeloenganing Goesti
Allah. Prakawis poenika kawoeni-
ngana, bilih Goesti Allah boten ba-
dè paring pitoeloeng dateng tijang
ingkang klintoe pasoeuwitanipoen
dateng Pandjenenganipoen, ngantos
tetijang sami kadjlomprong mastani,
jèn poenika pasoeuwitan (ngèlmi
oetawi gami) Aingkang sanjata.

d) saged oegi awewaton kodrat
kados ingkang kaseboet ing a, na-
nging mawi dipoentambahi goegon-
toehon. Oepami wonten doekoen
pidjet Katoelik. Sadèrèngipoen mi-
djeti, sembahjang roemijin. Poenika
saé. Nanging oepami moengel ma-
katen: Sembahjang koedoe „Sem-
bah bakti ping lima”, jèn ora, ija
ora mari. Poenika goegon-toehon.

Dados boten kénging, awit mastani,
bilih tjatjahing sembahjang
ingkang saged njarasaken. Makaten
oegi jèn poen Kjabhi nganggep,
bilih soewoek (seboel) saged man-
toenaken, soewoekipoen kedah ma-
wi rapal makaten-makaten, poenika
goegon-toehon. Dados boten ké-
nging. Toenggilipoen manawi ngoe-
lama Agami sanès, anggenipoen
andjampèni mawi dipoentoempangi
oetawi andemèk kor-an, poenika
inggih goegon-toehon, awit kor-an
boten saged nggadahi daja kados
makaten. Saminipoen mastani, jèn
andemok kor-an, tanpa wisoehe roe-
mijin, mesti goedigen. Poenika ing-
gih goegon-toehon. (Pèngèt: koela
sampoén pinten-pinten taoen kerep
andemok kor-an tanpa wisoehe poe-
napa, la teka dèrèng naté goedigen).

Wondéné njantoeni nama, poeni-
ka pantjenipoen kénging kémawon.
Abdinipoen Kangdjeng Sinoehoen
poenika angger gantos pangkat,
ngadat inggih gantos nama. Na-
nging jèn gantos nama, soepados
mantoen sakitipoen, poenika boten
kénging, djalaran poenika goegon-
toehon. Bangsa Djawi asring min-
dah namaning laré, soepados man-
toen sakitipoen soepados ingkang
nggoda-rentjana pandoe (pa-
ngling). Poenika boten pinanggih
ing nalar. Oepami ingkang nggoda-
rentjana waoe poen sètan (djalaran
memedi, ingkang mbaos rekse poe-
napa poenika boten wonten), mang-
sa, sètan teka kéngingdipoenapoesi
makaten! Bangsa mokal!

Saking pamrajogi koela, laré waoe
kapriksakna dokter oetawi jèn dok-
ter boten saged, kapadosna tijang
ingkang wasis midjeti, oetawi
kaombènana toja-Ignasioes (Ignatius
water) mawi dipoenkantèni novène.
Jèn kepanggih Rama Pastoer, ka-
atoerana mirksani poen laré waoe,
mbokmanawi saged paring rembag.

— LARASATI. —

Ing Sw. Tm. ingkang sampoén-sam-
poen koela nembé ngrembag kawon-
tenanipoen wanita.

Ing sapoenika koela badé ngrembag
kawontenanipoen:

GESANG RERAJATAN LAN
DJAGAD SOCIAL.

1. Poenapa ingkang dipoen was-
tani djagad social para maos tem-
toenipoen sampoén boten kekilapan;
oepami djagad social poenika rim-
bagan banon, familie poenika ba-
nonipoen. Familie ingkang kempali-
poen ngwontenaken djagad poenika
(maatschappij); familie ingkang da-
mel lestantoen-wontenipoen, margi
anggenipoen ngedalaken widji.

2. Familie poenika toeking kae-
tamèn social, inggih poenika: ka-
tresnan, pambangean toeroet, reng-
koeh-rinengkoeh, djagi-djinagi, dja-
sa-djinasa; mokaltijang saged dados
isinging pradja (burger) saé, manawi
boten saé anggenipoen dados anak,
bapa, kakang-adi, mitra oetawi goe-
roe-laki. Djalaran kados poendi ti-
jang badé saged tresna dateng tanah
woetah rahipoen kados dateng bi-
joengipoen, lan dateng sesami kados
dateng kakang-adi, manawi boten
gadah roemaos kineobeng roemeks-
aning bijoeng toewin roemengkoehing
sadèrèk? Kados poendi tijang gadah
kategoehan wani ngoerbanaken ba-
danipoen dateng tanah woetah rah-
ipoen, manawi boten kagladi ing
saben dinten wonten ing grijanipoen
tijang sepoeh?

3. Familie poenika dados pame-
tjoeting dateng panjamboet damel
miwah dateng gemi. Familie dados
toek mindakipoen banda lan kara-
hadjenganing tijang sapradja.

Mila lepat sanget Pangrèh ingkang
badé damel angger, ingkang saged
bibrahaken oetawi ngaroe-biroe
soepeketing familie.

Wadjib.

Margi wontenipoen familie, la-
djeng wonten lelajananipoen sadaja
ingkang mangoen familie waoe.
Djalaran wonten béda-bédaning
wewenang toewin wadjib, kabekta
saking lelajanan waoe, familie oeta-
wi gesang rerajatan kawengkoeh ing
woelang reh, ingkang karingkes lan
kaprintji dados 5:

I. Wewenang lan wadjibing tijang
djaler dateng ingkang èstri toe-
win ingkang èstri dateng ing-
kang djaler;

II. Wewenang lan wadjibing tijang
sepoeh dateng anakipoen;

III. Wadjibing anak dateng tijang-
sepoehipoen;

IV. Wadjibing anak dateng sami
déné anak;

V. Woesana: wewenang lan wa-
djibing bendara dateng batoer
(abdi), abdi dateng bendara.

I. Wewenang lan wadjibing tijang
djaler dateng tijang èstri toewin ing-
kang èstri dateng ingkang djaler.

Wadjib poenika wadjibing ka-
soeseryan, toeloeng-tinoeloeng, dja-
gi-djinagi, tresna-tinresnan; kalih-
kalihipoen kedah njingkir sadaja
ingkang tjengkah lan toedjoenipoen
tijang sesémahan, inggih poenika
mentjaraken toeroen, ngoepakara
anak dateng kaoetamèn, lan toe-
loeng-tinoeloeng.

Tijang djaler, menggahing ing-
kang èstri, wadjib dados pandjagi
lan pangajoman, inggih ing babagan
djasmani, inggih ing babagan rohani.

Nomer satoenggal tijang djaler
ingkang kedah andjagi tjekaping be-
tah lan sepinang baja-pari-baja, sa-
rana panjamboet damelipoen.

Bagéjaning tijang èstri njepeng
départemèn ing grija. Tijang èstri
kawadjib nomer satoenggal ngoepa-
kara anak sadangoenipoen laré tak-
sah dados momongan; manawi anak
sampoén saged mbonda-kalani, tijang
kalih madjeng sareng, anggarap laré
waoe dadosoepan tijang, djangkep
ing sadaja betahing ngagesang. Lan
wadjib ageng malih toemrap tijang
èstri i. p. andjagi prajogining pra-
natan ing grija.

Tijang èstri wadjib ambangoen mi-
toeroet dateng tijang djaler, poenapa

malih kedah gadah bekti toewin-
pangadji-adi dateng ingkang djaler.
Djalaran familie poenika maatschap-
pij, nanging alit-alitan; mila kedah
wonten ingkang dados pangangeng;
déné pangangenging waoe tijang dja-
ler, djer ingkang sembada menggah-
ing kawroeh, toewin pangertos da-
teng bekoning ngagesang poenika
tijang djaler. Mila tjeta Goesti ang-
genipoen ngodratakan, bilih tijang
djaler ingkang tinoeding dados loe-
rahing grija. Temtoe kémawon ti-
jang djaler anggenipoen nindakaken
sadaja wadjibipoen dados pang-
angeng boten kénging tilar doegi-
prajogi miwah pangrengkoeh, ing-
kang salaras kalijan dradjading tijang
èstri ing salebeting familie.

Noewoen: tembé wingking kate-
roesaken. A.

KOEROE SÈTRA.

NGATOS - ATOS.

Nanggapi prakawis
serat kabar padintenan.

Sadèrèk M. J. Hardjasoebrata ga-
dah pangadjak, oetawi kénging koela
wastani oesoel, soepados kita
damel serat kabar Katholiek padin-
tenan, lajeng sadèrèk C. Ordeeka
nambahi katrangan lan notjogi won-
tenipoen serat kabar Katholiek pa-
dintenan waoe. Sapoenika koela ka-
dos-poendi?

Makaten sadèrèk! Koela jakin jèn
mila pantjen kedah wonten serat
kabar padintenan kanggé sadèrèk
Katholiek Priboemi. Nanging kados-
poendi tijang saweg kados makaten,
poenapa kinten-kinten saged, awit
damel serat kabar padintenan poe-
nika padamelan ingkang awrat lan
angèl. Betahipoen katah sanget:

1e. Kita kedah gadah ka-
pitaal. Tanpa kapitaal boten badé
saged toemindak. Mila leres pang-
andikanipoen C. Ordeeka jèn Sw. T.
kedah akendit ringgit poenika! Ka-
pitaal boten tjekap jèn namoeng
alit-alitan kémawon, kedah ingkang
mèmper, sakinten saged toemindak,
lan malih kedah dipoensadjanani sè-
rep oegi.

2e. Kita kedah gadah ba-
oe. Sanadjan sampoén wonten ka-
pitaal jèn boten wonten ingkang ngri-
genaken inggih boten badé saged
kaleksanan. Poenapa sapoenika sam-
poén wonten ingkang kadoegi ngem-
bani dagblad kita ingkang badé
wonten. (Noewoen, klanoeuwen sè-
woe, koela boten babar pisan ngina
dateng pandjenenganipoen Rama Re-
dactie. Awit koela ngertos jèn Rama
pandamelanipoen katah, toer poe-
nika namoeng sampiran).

Kadjeng koela koran poenika ka-
pasrahna dateng tijang ingkang mi-
dji, dados boten namoeng sompar-
sampiran kémawon. Jèn namoeng
wongsal-wangsoel sampiran poenika,
rekaos sagedipoen saé. Mila pra-
kawis poenika koela atoeri mangga-
lih saèstoe.

Ladjeng malih: poenapa sampoén
dojan dipoendasari dagblad poeni-
ka? Nitik ngandikanipoen sadèrèk
C.O. sapoenika kémawon tjatjahing
lengganan saweg samanten, lah bèn-
djing malih ingkang saja awrat badé
sapinten?

Rekaosipoen malih dèrèng gadah
drukkerij! Déné manawi sampoén,
jatanipoen temtoe béda. Inggih sa-
boten-botenipoen jèn dipoen-garap
pijambak temtoe langkoeng saé, sa-
kétja, mirah, lan sakedik moetawa-
tosipoen tinimbang jèn dipoenberah-
aken. Sapoenika Sw. T. wonten Nga-
jodja saged tjelak kalijan drukkerij
poenika oegi sampoén nambahi saé,
lan sakétjaning toemindakipoen.

Ladjeng kanggé panoetoep: mana-
wi mila èstoe badé damel dagblad
koela njoewoen kadamel tjara Mla-
djeng kémawon. Poenika badé saja
djember tebanipoen. Nanging weling
koela: jèn kinten-kinten boten sem-
bada aloewoeng boten kémawon.
Sampoén namoeng sataoen kalih ta-
oen, njengka tigang taoen, lajeng
dados djenat! Jèn makaten Sw. T.
lan S.K. kémawon dipoenagengaken
malih, sampoén tjekap.

SOE—TÈDJA.

BADÉ KÉTJALAN BATI
34 MILJOEN??

Poenapa boten awrat!??
(Rèka daja njirnakaken tijang-
tijang madat).

Jèn boten lepat, padagangan tjan-
doe poenika doek ing kinanipoen
dèrèng dipoenmonopolie déning
Kangdjeng Goepermèn, artosipoen
ingkang ndagang tjandoe kénging
sadéngaha tijang. Kados déné sa-
rem poenika roemijin oegi maka-
ten. Samanten oegi tetijang ingkang
sami madat alijas njerèt, poenika
inggih saben iroeng kénging.
boten soesah mawi barang-barang.

Sareng sapoenika padagangan
tjandoe waoe sampoén dipoenmo-
nopolie déning Kangdjeng Goep-
ermèn, liripoen sanèsipoen Kangdjeng
Goepermèn boten kalilan nda-
gang tjandoe. Jèn wonten tijang
ingkang wani-wani nglebetaken
lan njadé tjandoe, poenika nama
tjandoe peteng (tjandoe gelap). Jèn
konangan ing Kangdjeng Goepermèn
mesti dipoenbeslah, sarta ingkang
ndagang sampoén takèn dosa. Kang-
gé ndjagi soepados boten tansah
wonten tjandoe gelap, Kangdjeng
Goepermèn jasa poenggawa sarta
sepijoen-sepijoen tjandoe, ingkang
tansah naliti jèn wonten kapal da-
teng, ambok bilih isi tjandoe gelap.

Menggah anggenipoen pada-
gangan tjandoe lajeng kaasta ing
Kangdjeng Goepermèn, saking pa-
nginten koela: perloe kanggé ndjagi
soepados lebeting tjandoe wonten
ing Indonesia ngriki boten namoeng
sakarsa-kersanja kémawon, nanging
mawia wates; margi sampoén ka-
soemerepan bilih tjandoe poenika
ratjoening donja sajektos. O, boten
perloe katarijosaken agenging be-
bajanipoen mbok lara ireng, para
maos ingkang minoelja sampoén
sami oeninga sadaja! Boten wonten
saénipoen sakedik-kedika tijang ma-
dati poenika. O, apjoen mila ratjoen;
ratjoening kasarasan, ratjoening ka-
soesilan, ratjoening ékonomi, ra-
tjoen ratjoen

Kadjawi panjadéjan tjandoe kamo-
nopolie ing K. Goepermèn, tetijang
ingkang sami kaloetot ing sang
lara ireng moesibat, sami dipoen-
pèngeti tjatjahipoen. Manawi badé
toembas tjandoe ing dipo kedah ma-
wi mbekta licentie. Jèn boten, mesti
boten pikantoe toembas. Tijang-
tijang ingkang dèrèng dados batoer-
ipoen sang tjandoe, dipoenengèl-
engèl saeopami badé toemot
koersoes!! Poenika inggih sa-
toenggiling pandjagi moerih tjatjah-
ing tijang madati saja soeda, oetawi
apesipoen boten mindak. Déné soe-
danipoen waoe manawi wonten pe-
madat ingkang poepoet-joeswal!

Mila sareng koela maos Sw. tm.
no. 43 ingkang medal kala 6 Dec.
poenika, bagéjan kabar oemoem
Indonesia, petikan saking Deli Cou-
rant, ingkang njrijosaken bilih teti-
jang Tionghwa ing Soematra pss.
Wétan, ngwontenaken panitya ka-
poerih rekès dateng panitya apjoen
gadahanipoen Volkenbond, ingkang
neda soepados pamedal toewin pa-
dagangan tjandoe dipoenitjali. Ma-
nawi saged ing salebetipoen 3 taen.
Panitya waoe oegi kapoerih rekès
dateng Paréntah Indonésia, njoe-
woen soepados Negari jasa grija
sakit kanggé mantoenaken tetijang
ingkang sami madati. Manah koela
bingah saha setoedjoe sanget dateng
actie-nipoen panitya Tionghwa ing
Soematra pasisir Wétan waoe.

Actie-nipoen sadèrèk Tionghwa
waoe pantes sinoedarsana, saha
sampoén samestinipoen jèn dipoen-
bantoe sakijat-kijatipoen; djer meng-
gah ing padahipoen, sampoén
boten mastani malih, genah ageng
sanget, mboetjal ratjoening
djagad!

Panitya waoe medal saking sa-
dèrèk Tionghwa, djalaran ingkang
dados abdinipoen embok lara ireng
ingkang katah sdr. Tionghwa. Ka-
tahing pepadat T.H. wonten 10⁰/₀-
ning djiwa T.H. sa-Indonesia, i. p.
wonten 89.818, tjandoe ingkang

Poepoek mas tjiri ing batoek: boten wonten ingkang pineleng kadjawi tjahja salebeting mandjing ing garbanipoen Hjang Déwaroetji.

Soemping kantjana pininda djaroteng asem: boedinipoen R. Brataséna ngrawit kados djaroteng asem, temenipoen pinter, nanging api-api bodo.

Soemping sekar poedak poetih: ndjawi nglebet sami kémawon, jèn wangi ndjawi inggih wangi ing nglebetipoen.

Anting kelat baow rinéka manggis ginoebah katoet tekan kanda-gané: mralambangi: ing tembé doemogining wekasan Brataséna boten wonten ingkang kinantoenaken.

Kaloeng naga banda: naga sawer, banda tatangsoeling sarira, mralambangi karosanipoen R. Wrekoedara timbang kalijan kroeraning naga, manawi mangoen perang boten watak kawon, kawonipoen manawi pedjah.

Gelang tjandra kirana: tjandra remboelan, kirana toelis; Brataséna anggenipoen nggoegoeroe tanpa papan tanpa toelis sampoen terang kados woelan poernama.

Koekoe pantjanaka salantjoer si-sih: koekoe lalandep, pantja gangsal; ateges Brataséna sakalangkoeng moempoeni; oegi: minangka pikekaking kadang gangsal.

Tjawet polèng bang bintoeloe lelina: angontjati oetawi njingkoer nafsoening pantjadrija.

Paningset tjindé bara, binelah noempang wentis kakanan kéring: saged ambédakaken doenoenging panembah dateng déwanipoen.

Porong wasira: Brataséna amot sadjembaring djagadé.

Kakrontjong naga moeled pada: kanggé pangéngér-éngér sagedipoen mandjing samodra pinanggih kalijan Déwaroetji, sareng naga ingkang anggoebet badanipoen sampoen sirna.

(badé kasambet).

O E R A P - S A R I

K A B A R O E M O E M I N D O N E S I J A H.

SAKING SEMARANG.

Programma
Congres Jong-Java ingkang XII.
ing. Luna-Theater
Semarang.

Senèn 23 December.

Djam 9 daloe: Receptie.

1. Pamboek dèning Pangarsa Congrescomite.
2. Panampining Pangarsa tjabang.
3. Sesorahipoen Pangarsa H. B.
4. Pambagia Pakempalan sanès.
5. Wangsoelanipoen Pangarsa H. B.
6. Tetingalan.

a. Panembrama dèning Meisjeskring Jong Java Semarang.
b. Golèk } Soembangan K.G.P.A.A.
c. Wirèng } Mangkoenagara VII.

Siasa 24 December.

Djam 7 éndjing: Athletiek ing aloen-aloen Bv. L. O. Schermen. Panahan.

Djam 8 éndjing: Parepatan H. B. + Commissie van meisjeszaken + oetoesan-oetoesan poetri.

Djam 4.30 — 5.50 Bal-balan ing aloen-aloen Go. thead.

Solo — Magelang A.

Djam 9 daloe: Openbare vergadering.

Agenda:

1. Reorganisatie voorstellen. J. J. inleider. H. B. J. J.
2. Reorganisatie voorstellen J. J. P. inleider. Centraal Bestuur J. J. P.

Rebo 25 December.

Djam 7 éndjing: ngldjengaken Athletiek ing Bv. L. O. tennis ing A.T.C. baan.

Djam 8 éndjing: Besloten vergadering. I.

Djam 3.30 — 5.35 Bal-balan: Batavia — Jogja B. Soerabaja — Malang C.

Djam 9: Opvoering.
Kemis 26 December.

Djam 8 éndjing: ngldjengaken tennis.

Djam 8 éndjing: Besloten vergadering II.

Djam 3.30 — 5.45. Bal-balan. Semarang — Winnaar B. D. Winnaar A — Winnaar C. E.

Djam 7 1/2 daloe Opvoering para poetri.

Djoemoeah 27 December.

Djam 8 éndjing: Besloten vergadering III.

Djam 4.30 — 5.50. Bal balan. Winnaar D. — Winnaar E.

Djam 8 daloe: Openbare vergadering II.

Agenda:

1. Ngldjengaken Agenda I.
2. Verslag-verslag.
3. Overdracht pangreh dateng Koe-misie v. voorbereiding.

Sabtoe 29 December.

Djam 6 1/2 éndjing. Excursie dateng Djatiroengga.

Djam 4.30 — 5.50. Bal-balan. Kampioen 1928 — Kampioen 1929.

Djam 6 1/2 daloe: Kampvuur.

„ 9 daloe: Reunie.

Verslag tjekakan saking Studieclub Kath. ing Soerakarta.

Nalika tg. 8 Dec. 1929 pak. kasboet nginggil ngwontenaken ledenvergadering, karawoehan sad. kakoeng lan poetri (sawatawis).

Wontening rembag ingkang pantes koela atoreraken ingarsa pandjengnagan sadaja i. p.: I. Minangka pambikaking parepatan sad. Joesoep ngandaraken bab tindak martamoe nipoen Sang Praboe Fictor Emanuëldateng Vatikan, kanti mengagem kapraban dalem, lan kosok-wangsoelipoen ngersa dalem I. S. Kg. St. Rama Pius XI oegi badé gentos tindak mertamoe, dateng Sang Praboe, ingkang tjalon tinampi kanti ageng-agengan ing „Villa Savoya.” Saladjengipoen spreker ndorèngaken

bab tandangipoen pers Katholiek ing Italië gegajoetan kalijan djamana nalika moekek-moejekipoen rembag „Romeinsche kwestie” kénging koela tjekak sanjata mitajani, pantes sinoedarsana, pantes sineboet tetamènging Vatikan: tetamènging P. Soetji. Tandangipoen Journalisten Katholiek ing Italië, tjag-tjeg, nger-tos ing wadib-sajektos; ndadosaken éringing mengsahing Vatikan; mila boten nggoemoenaken jèn mengsahing Clericisten partij (geestelijken partij) protest dateng Reg. Italië soepados ngrampasa pers-pers Katholiek. Missolini, dictator Italië gegajoetan lan bab poenika naté ngandika wonten ing ngadjenging para djedjempoling partij² politiek ing Italië, makaten oegi wonten ing ngadjenging partij-nipoen pijambak (partij fascist) „jèn ngrampas kamardikaning pers Katholiek poenika awratipoen ngoengkoeli perangipoen Napoleon.” Ing saladjengipoen spreker njowoen dateng parepatan kersaa djoemeneng, mèngeti prakawis poenika, saha pratanda soeng-kem kita dateng Rome.

Sadaja sami katingal gambira lan mongkok ing manah! Moegi-moegi ndjawi nglebet, lair batos, toehoeda dateng Vatikan.

II. Couserie saking sad. Sabdawijaya bab „Rond de Chin. gelijkstelling.” Couserie waoe kénging koela pérang:

a. Beknopt overzicht over eenige der heerschende adatsvormen. Nerangaken bédaning adatsrecht lan familierecht. Indonesiërs menggahing staatsrechtelijk boten kapranata manoe familierecht, nanging mawi adatsrechts; Tjina makaten oegi, nanging jèn Regeering Nanking sampoen rampoeng anggenipoen ngéwahi poenapa ada²: ngwontenaken familierecht katata tjara Europa, Tjina ingriki inggih badé idem kémawon. Manoe rantjangan familierecht waoe mbéndjing tg. 1-1-30 sampoen rampoeng lan katindakaken, dados ateges „Tjina” badé kasamèkaken (gelijkgesteld) lan bangsa Europa.

b. Beteekenis der gelijkstelling op: 1. Staatsrechtelijk gebied. Ingatasing bab poenika, migoenani sanget, djer jèn kénging prakawis ladjeng kaoeroes ing Raad van Justitie, dados boten kados déné para Indonesiërs taksih mawi kaoeroes pating tjeroelw wiwit dessaraad, districtraad, Regentschapsraad, Landgerecht lsp. sateroesipoen Justitie langkoeng saé tinimbang raad-raad kaseboet, djer ingkang dados ambtenaar-ipoen sami tampi opleiding samestinipoen. Kedjawi poenika, para gelijkgestelden jèn dipoenoekeom inggih langkoeng sakétja lan saé papan saha tedanipoen tinimbang para Inlanders; makaten oegi ing papan sanès, oep.: sakit ing Hospitaal, para gelijkgestelden langkoeng misra panggénan lan tedanipoen, tinimbang „...? (Inlander).

2. Agrarisch gebied. Para gelijkgestelden boten gadah „Grondbezitsrecht” nanging saged angsal „Eigendomsrecht” i. p. toembas siti ingkang kanggé jasa gebouwen inrichtingen i. s. p. Ing saladjengipoen „inleider” nerangaken oegi bab „beschikingsrecht, bezitsrecht, communaal- lan individueelbezit, erfachtswet, ontginningswet, staatsdomein, beschermingswet, Agrarische wet,” karowanen jèn koela serati sadaja.

c. Actie van 't I.E.V. betreffende de gelijkstelling. Spreker njijisaken bab „N.I.P.” (Nationaal Indische Partij; initiatief saking Douwes Dekker alijas Mac

Hovelaar oet. Multatuli, R. M. Soewardi Surjaningrat sapoenika ladjeng bekend sineboet „Ki Adjar Déwantara lan Dr. Tjiptamangoenkoesoema”). N. I. P. waoe ladjeng petjah dados B. O. lan I. E. V. I. E. V. gelijkgesteld ingatasing „staatsrechtelijk gebied” sami lan Walandi totok; I. E. V. afd. Bandoeng njowoen dateng Pamaréntah bab „Agrarische gelijkstelling” kasamèkna lan Indonesiërs. Nanging ngantos sapriki dèrèng angsal. Namoeng saged angsal „klein Landbouw.”

d. Gelijkstelling der Chinezen met de Europeanen.

Spreker nerangaken art. 163 ing (Indische) Staatsinrichting oetawi art. 109 ing R. R. i. p. bangsa ingkang kasamèkaken lan Walandi i. p. I. Bangsa Walandi, II. bangsa Europa sanèsipoen Walandi, III. bangsa Japan lan bangsa mantja sanèsipoen (kedjawi I. lan II.) ingkang ing tanah-tanahipoen mawi pranatan familierecht.

Tjina saged toembas tanah, nanging saking tanah-tanah particulier oep.: Tjijselanden lsp. hak waoe kawastanan: „Chineesch Indisch bezitsrecht”; ing saladjengipoen nerangaken actie „Sw. Publek” njowoen dateng Pamaréntah bab „Klein Landbouw” jèn boten pareng ing tn. Djawi, inggih ing Sumatra. Sin Po tegen lan bab poenika, njowoen gelijkstelling; Chin. Ind. bezitsrecht itjal, awit jèn boten makaten soelaja lan wontenipoen burgeroorlog ing tn. Tjina ingkang wosipoen inggih namoeng badé ngekahi hak tanah! Indonesiërs prajogi wetah hakipoen bab poenika!

e. Ons standpunt ten aanzien der gelijkstelling.

Bab poenika spreker katingal „masa bodoa kono” (margi pantjen sampoen kedah makaten; Hercules). waton boten mitoenani bangsa kita i. p. ingatasing grondbezitsrecht. Spreker nerangaken jèn wontening Chin. gelijkstelling genah énggal badé wonten unificatie ingatasing staatsrechtelijk kanggé sadaja bangsa ing Indonesia, kados bab poenika saweg dados panggalihaning negari, lan sampoen matah oegi para djempol sawatawis kapoerih njinaoe. Sateroesipoen nerangaken toemraping gandèngipoen lan „locaale raden.” jèn gelijkgesteld ateges oegi Tjina genah katah toemoeitipoen dateng golongan Walandi! Kados-poendi?? Lan nerangaken bilih babagan lan papréntahan, mbokmanawi badé wonten éwah-éwahan, kados déné pakabaran ing „de Locomotief” ingkang badé karembag ing „Volksraad” mbéndjing parepatan tjandakipoen.

Doemoegi samanten, punt-punt ingkang pantes koela tjaosaken Sw. Tm. Vergadering keplok ramé sanget!!

Sadèrèk inleider ngandika sinten ingkang badé nambahi gandèng babad poenika!! Wonten sad. 3 i. p.

a. Sad. Joesoep boten atas namaning bestuur, nanging persoonipoen pijambak!

Nerangaken bab bingoeng saha crisis ing golongan Tjina, saja Tjina pranakan! Bingoeng (Tjina pranakan) badé nampi dados Chineseche onderdaanschap, poenapa dados Ned. onderdaanschap. Dados Ned. onderdaanschap ingkang pro lan gelijkstelling poenapa ingkang boten ngadjengi!!

Dados Chin. onderdaanschap, ateges wontenipoen ing Indonesia ngriki Tjina pranakan ateges dados tjang mantja. Nanging bab poenika koewatos jèn „boten dipoenakeni” ing Regeering Tjina. Ing saladjengipoen sad. Joesoep ndorèngaken ingkang ± sami lan artikelpoen Bambang Hercules ing „film Tjina lan film Indonesia ingkang ngrembag bab Chin. gelijkstelling.” Spreker nerangaken oegi jèn tandangipoen Chineseche Voormannen tjengkah lan Chineseche journalisten, ndjalari sad. Indonesiërs sami nginggalaken sangga roengginipoen. Wosipoen kita sadaja kedah atindak ngatos-atos!

b. Sad. Parmaka (vz. P.P.K.D.) mbombong poetra ontang-antingipoen i. p. Studieclub, ingkang pinatah mindakaken pakarjan wigatos lan gawat! Sateroesipoen pro lan Chin. gelijkstelling!

c. Sad. Dwidja-oetama pro lan Chin. gelijkstelling, djer mangké ndjalari bezitsrecht saja veilig!

d. Sad. Dwidja-oetama. Ngrembag gelijkgestelden en niet gelijkgestelden. Djamana roemijin tjang Djawi „staatsrechtelijk gebied, handelsrecht, makaten oegi grondbezitsrecht” wetah, alijas sampoen! Sapoenika ingkang nama taksih sampoen i. p. grondbezitsrecht. Mila recht sanèsipoen badé kaoedi wangsoelipoen malih, kaoedi ngambah margi „evolutive.”

Samanten kémawon, mindak ngbak - ebaki papan.

Bimbhostha 10 December 1929. Verslaggever: HERCULES.

ONTJÈN SEKAR GAMBIR MELATI.

KATHOLIEK INDONESIA KALIJAN SAKOLAHAN.

— DWIDJA-SWARA ING MEDARI. —

Rembag „jasa sakolahan” manoe S. Kth. saweg dados rembagipoen H. B. P. P. K. D. Éwadéné Patjar-Mérah dinten poenika nggepok rembag waoe, déning kadajan andaraniipoen sadèrèk „Draadloze Telegrafie” ing Sw. T. kapengker.

Onderwijs adamel adjenging nagari Prakawis poenika sampoen tetela! Indonésijah kekirangan sakolahan, poenika inggih sampoen genah! Wiwit kina mila, kita Katholiek anggadahi wawaton: pradja oetawi nagari makaten boten kok angljijer bebahaning kawoela. Tegesipoen: boten kok sadaja-sadaja kedah nagari ingkang ngawontenaken.

Tijang sepoeah anggadahi wewenang dateng anak! Bapa bijoeng anggadahi koewadajiban anggoela-wentah anakipoen, minteraken, andadosaken tjang. Dados tjang sepoeah anggadahi wewenang milihaken sakolahan kanggé anakipoen. Margi makaten waoe, nagari boten kénging manawi ladjeng moengel: „Anakmoe koedoe kosekolahaké kéné!”

Dados, ing ngriki terang: sakolahan-sakolahan poenika boten kok sadaja kedah saking nagari. Malah saja katah sakolahan partikelir, poenika ngatingalaken manawi kawoela ngrikoé gadah katijasan.

Ngènti wawaton Katholiek makaten poenika, koela mangajobagia dateng tradjagipoen pakempalan-pakempalan Indonésijah ingkang sami ada-ada ngedegaken sakolahan. Boten mawi éwed-pakéwed koela poeroen ambikaki toedoeng pakempalan-pakempalan waoe.

Kadang Katholiek! Kita sami mangretos, sad. Protèstan Indonésijah sampoen saged nglijer sakolahan pinten-pinten. Kita soemerep, sadèrèk M. D. sampoen anggadahi sakolahan pinten² wonten pinten² enggèn soebar ing tanah Indonésijah ngriki.

Njipati kawontenan makaten poenika, kita kedah goemaréah anoe-toeti ing sasaged-saged kital!

Enget saodara, kita poenika inggih dados anakipoen lboe Indonésijah, boten béda kalijan sadèrèk-sadèrèk kita ingkang anggolong wonten B. O., M. D., P. G. B. Iss. Mila inggih kedah toemoet ngdjengaken tanah kalahiran kital!

Andaranipoen sadèrèk „Draadloze Telegrafie Medari” kaseboet ing S. T. kapengker sampoen boten kirang gambalang, boten kirang greget!

Gotrah Katholiek Medari ingkang wiwit parepatan adegipoen van Lith-Stichting, sampoen ngoengsel-oengselaken oesoelipoen „ngdegaken sakolahan”, doemoegi sapriki pantjen

boten kempa babar pisan! Gotrah Medari boten namoeng „djoel soe-ara”; dipoenboekèkaken, dipoenwoedjoedi!

Papanggihanipoen goeroe-goeroe Katholiek ing koekoeban Medari kala 15 Dec. poenika, sampoen anetepaken wontening pakempalan „DWIDJA-SWARA.” Pakempalan poenika ing woelan Djanoewari 1930 sampoen wiwit nglijer sakolahan doesoen kagoenganipoen Can. Stichting ing Kadisana. Para warganipoen, pendak woelan kadjabah ambajar oeroenan 1/10-ning bajaranipoen.*

Koela memoedji moegi tradjagipoen gotrah Katholiek ing Medari (toewin Madijoen) kaseboet nginggil, dadosa tetoeladan toewin pametoetipoen wandawa Katholiek ing sanès panggénan.

Nanging temenipoen, actie ngawontenaken sakolahan makaten poenika dados tebaning pakarjanipoen P. K. W. (oet. K. W.) toewin W. K.

Mila pangadjeng-adjeng koela moegi P. K. W. ladjeng manggaliha anindakaken actie ngadani sakolahan waoe; déné P. P. K. D. andjampangi, lan toemandang manawi wonten damel pari damel ingkang kedah dipoentandangi P. P. K. D.

Mangga dipoentandangi! Sampoen ngantos kita tinetah anak poe-toe kita dipoenwasani: „moeng ngénak-énak mangan toeroe wae, tanpa barata, sepi kaprajitnan.”

Koela atoeri éngèt: kawontenan ing samangké poenika boten mesti taksih lestantoen kados sapoenika.

Mangga sadèrèk, sampoen katalompèn! Sagantenipoen rob. Sinten ingkang poeroen bedol djangkar ambèbèr lajar, inggih badé saged njabang saganten wijar ngaloek-aloeck!

Mangga sadaja kémawon sami angombjoni pandjengenganipoen tw. Locordaire: „Je suis le citoyen des temps futurs.” „Akoé iki dadi kawoelaning kalamangsa ing tembé boeri.” Kita Katholiek pantjen dados kawoelaning djamana béndjing, inggih djamana kalanggengan inggih djamanning anak poetoé sapitoeroetipoen! Mila, moempoeng dèrèng kaséb, mangga dipoentandangi, mangké mindak dados tetahanipoen anak poetoé!

Sapisan engkas: „kawontenan ing samangké poenika boten mesti taksih lestantoen kados sapoenika.”

Kumuningsaselé 15 November 1929.

Taklim:

PATJAR MÉRAH.

*) Bab kabar adeging „Dwidja Swara” poenika saking palapoeranipoen particuliere—verslaggever-ipoen Patjar Mérah pijambak, ddo. 15 Dec. sonten.

CORRESPONDENTIE.

Lengganan Swara-Tama, ingkang pambajaripoen loemantar K. W. Soerakarta wiwit Februari t/m December: klempaking arta wonten fl. 45,675 (satoes kawan dasa gangsal roepiah nem ketip tigang benggol). Pilah-pilahipoen makaten:

No. 75 H. S. S.	f 6,25
„ 77 R. C. S. Br.	„ 4,50
„ 99 S. K.	„ 6,75
„ 122 R. S. M.	„ 6,75
„ 160 I. M. P.	„ 6,75
„ 291 R. Ch. S. Br.	„ 2,50
„ 309 J. B. Dj.	„ 6,30
„ 337 R. Fr. S.	„ 6,75
„ 419 W.	„ 1,85
„ 436 L. J. P.	„ 3,25
„ 527 J. B. D.	„ 3,20
„ 552 Rm. B. R.	„ 4,25
„ 601 R. Siti. Ch.	„ 1,50
„ 607 M. J. H.	„ 3,00
„ 613 P. S. N.	„ 7,00
„ 620 J. K.	„ 1,00
„ 652 T. J. S. D.	„ 6,25
„ 654 I. S.	„ 5,25
„ 673 R. I. W. Dw.	„ 6,25
„ 679 R. A. P. S.	„ 5,70
„ 709 A. J. W.	„ 3,50
„ 747 S.	„ 4,25
„ 784 H. H. At.	„ 2,50
„ 792 M. J. M.	„ 5,50
„ 793 M. J. D. Dj.	„ 4,75
„ 618 W.	„ 0,50
D. W. Sanoesoebrata.	„ 1,00
Ph. Tirtidhardja.	„ 1,00
No. 619 S. Tj.	f 1,00
„ 764 A. J. W.	„ 2,75
„ 564 P. W. Tj.	„ 1,00
„ 119 R. P. S. P.	„ 1,00
„ 328 M. S. M.	„ 6,75
„ 16 Rm. St. S. D.	„ 5,25
„ 222 J. S. Ad.	„ 2,50
„ 511 Rm. St. Dj.	„ 3,00
„ 657 T. Pr.	„ 2,50
Marjahardjana.	„ 1,875

M. njarijosaken bilih Controleur Allaart ing Kotamabagoe ngedalaken serat dawoeh soeraos: „...Sinten ingkang Agama Kristen manawi boten pikantoe idinipoen Zelfbestuur, boten kénging ngrasoe Agama Islam.”

(Manawi sadèrèk M. waoe temen, toewan Allaart pantjen kedah kangengetaken, awit lekas makaten poenika tétéla nerak pepatjak kamardikaning tjang nganggé ngrasoe Agama. Red.)

M. v. BIENE.

Toekang herlodji
dan Toekang emas.

Adres jang
moerah

DJOKJA **BANDOENG**
Telf. 252 Telf. 226

boeat LONTJENG, HER-
LODJI dan PERKAKAS
EMAS.

Pembatja
SWARA TAMA.

dengan bawa lembaran
Swara Tama
dapat POTONGAN.

PAKOLÈH TOER LOEWESAN
SAË TOEWIN AWÈT
INGGIH NAMOENG

MERK GAZELLE

INGKANG AWOEDJOED

ALCYON
DUNLOP } RIJWIELEN
R. I. W.

Nitjil kénging! – Kentjèng soekoer!

GAZELLE HUIS – ROEMAH GIDANG
MALIOBORO – DJOKJA – TELF. 508.

KALAU BELI OBAT - OBAT

DJOKJA **DJOKJA**

mémang tiada maoe pakai per-
tjoema, melainkan boeat djaga
keséhatan. Tetapi kalau tiada te-
rima obat jang selamanja baroe
dan paling baik, lebih pintar
Djangan beli sama sekali.

Obat-obat keloearan roemah² obat

MALIOBORO **„RATHKAMP”** **MALIOBORO**

soedah terkenal berapa banyak
poeloehan tahoen dan bisa dapat
beli dimana-mana tempat. Kalau
dapat beli tjap

DJOKJA **„RATHKAMP”** **DJOKJA**

tanggoeng beli jang paling baik.
Djaga tjap „RATHKAMP”
dan „ERCEE”

DJANGAN TERIMA BARANG JANG BARANGKALI KOERANG BAIK.

HEEL DE ARCHIPEL

LEEST

DE KOERIER

EENIG R. K. DAGBLAD

IN NED. INDIE.

TOKO DJOEN & CO.

PATJINAN **Telef. No. 374** **DJOKJA.**

BOEWAT MERAJAKAN HARIE RAJA
TAHOEN BAROE.

KITA BAROE TRIMA:

ROEPA² MERTJON DAN KEMBANG APIE

Dari fabriek di Batavia, Semarang, Koedoes, dll.

OKKERNOOT dan KASTANJES
per pond **F 1.00**

BOEWAH APPEL jang bagoes dan lain².

Datenglah saksiken!

Memoedjikan dengan hormat
Toko DJOEN & Co.

TOKO BARANG-BARANG.

H. SPIEGEL – DJOKJA.

BOEAT KEPERLOEAN ST. NICOLAAS:
kami ada sedia:

roepa-roepa dolanan bagi anak-anak
moelaï harga 15 cent sampai f 40.

OENTOEK KEPERLOEAN KERSTMIS,
kami ada sedia:

matjem-matjem barang boeat geschenk;
Kerstboomen dan perhiasan Kerstboom
Sekolahan-sekolahan dan perhimpoean-perhimpoean,
bisa terima potongan harga.

VOLKSALMANAK MELAJOE

1930

soedah habis didjoeal

Dalam koerang lebih tiga boelan sadja soedah bisa lebih dari

40.000

(beloem terhitoeang 40.000 Volksalmanak Djawa dan Soenda)

akan tetapi djangan takoet

sebab mengingat keperloean toean² jang beloem memesan, **BALAI**
POESTAKA soedah moelaï tjétak tambahannja Volksalmanak Melajoe

8000 lagi!

SIAPA SOEKA BOLÈH BELI, SIAPA SOEDAH TENTOELAH POEDJI!

DJAMNJA HARI ACHAD DI SEMENTARA TEMPAT ADA KOERBAN MISSA.

Ambarawa 6.30 - 8.30.	Lamah 5.30 - 6 - 8.	Pekalongan ²⁾ 7.30.	Soerabaja:
Amboina 7.30.	Lawang ²⁾ 7.	Pemalang ²⁾ 7.30.	Kepandjèn 6 - 7 - 9.
Bagan Siapi-api 7.30.	Madioen 6 - 7.30.	Pemangkat 8.30.	Anita Boul. 6 - 7.30 - 9.
Bandoeng 6 - 7.30 - 9.	Magelang 7 9.	Poerwokerto 7.30.	Soerakarta 6 - 7 - 8.30.
Benkoelen 7.30 - 9.	Makassar 6 - 7.30.	Poerworedjo 7 - 8.30.	Tandjoeng Balai 7.30.
Blitar 7.30.	Malang 6 - 7.15 - 8.30.	Pontianak 7 - 8.30.	Tandjoeng Karang 8.
Buitenzorg 6 - 8.	Manado 6 - 7.30.	Probolinggo 7.30.	Tandjoeng Sakti 7.30.
Cheribon 7.30.	Medan 6.30 - 8 - 8.30 (tjina).	Salatiga 7.30.	Tara - Tara 7.30.
Djember 7.30.	Medari ²⁾ 9.30 (mal.).	Sambas 6 - 8.30.	Tegal ²⁾ 7.30 - 9.30.
Djokja:	Medari ²⁾ 7.30.	Sambong 8.	Tering 7.
Kampementstraat Eur. 7 - 9.	Meester Corn. 7 - 9.	Sawah Loento 7 - 8.30.	Tjilatjap ²⁾ 7.30.
Kota Baroe Jav. 6 - 8.	Mendoet 6 - 7.30.	Sedajoe 7.	Tjimahi 6 - 8.
Djombang ¹⁾ 7.30.	Modjokerto 6 - 8.	Sedjiram 5.45 - 8.30.	Tomohon 7 - 8 - 9.
Fort de Kock 7.30.	Moentilan 5 - 6 - 8.	Semarang: 8.	Wates ²⁾ 7.
Gandjoeran ²⁾ 7.	Muntok 8.	Cedangan 7 - 9.	Weltevreden:
Gombong ²⁾ 7.30.	Ngawi ²⁾ 7.30.	Bangkong 6.30 - 8.	Waterlooplein 5.45 - 7 - 9.
Keboemen ²⁾ 7.30.	Padang 7 - 8.15 - 9 (tjina).	Tjandi 7.	Kramat 6 - 8 - 9 (mal.).
Kediri 7.30.	Padang Pandjang 7.30.	Rindoesari 7.	Wonosobo ²⁾ 7.30.
Klatèn 7.30.	Pajakombo 7.30.	Singkawang 6.30 - 9.	Woloan 8.30.
Koeta Radja 6.30 - 8.	Palembang 7 - 9.	Soekaboemi 6 - 7.30.	
	Pasoeroean ¹⁾ 7.30.		

¹⁾ 1e. Achad. ²⁾ 2e. Achad. ³⁾ 1e., 2e., 4e. Achad. ⁴⁾ 3e. Achad.
²⁾ 1e. + 3e. Achad. ⁴⁾ 1e. Achad tiap² doea boelan. ⁵⁾ 2e., 4e. Achad. ⁶⁾ 4e. Achad.

MANTJA NEGARI.

NEDERLAND. Audientie. Teng-
koe Mahmoed saking Atjih kala 12
Dec. poenika sowan odensi dateng
ngarsa dalem Nata Wilhelminah.

Temboeng Djadjahan. Saking
tjarjosipoen *Aneta*, wonten Memorie
van Antwoord toemrap rantjangan
waragad nagari, Minister Djadjahan
mratélakaken ing serat-serat officieel
toemrap tanah djadjahan, sasaged-
saged badé njinghiri temboeng
„Koloniën.” Nanging ngitjali babar
pisan inggih boten saged margi
gandèng kalijan oengeling angger
inggang migoenakaken tetemboengan
waoe. Poenapa ing basa Walandi
wonten temboeng sanès inggang
kénging kanggé nggantos tetem-
boengan waoe, poenika taksih dados
pitakénan.

Maboer ngideri bawana. Kabar
Aneta saking Den Haag njarijosaken
toewan Van Lear Black gadah nijat
béndjing Februari 1930 badé ma-
boer ngoebengi djagad, mangkat-
ipoen saking Groydon.
Inggang nglampahaken mesinipoen
tjalon toewan Geysendorffer kalijan
Scholte. Kadjawi poenika wonten
tijang Amérikah inggang badé toe-
moet, i. p. tw. Wolfgang.

AMRÉRIKA. Padagangan alit.
Ing wekdal inggang kantoe² poeni-
ka padagangan alit (kleinhandel) ing

Amérikah Sarikat katingal madjeng.

Kawontenan ing Haiti. Kawon-
tenanipoen Haiti, sapoenika sampoen
wangsoel tentrem kados waoe-wa-
oenipoen.

Baita maboer. Britten, pangarsa-
ning komisi-marine mentas damel
pleidooi asoeraos soepados kapal-
maboer Amérikah inggang sapoenika
sampoen wonten inggang 66.000
ton poenika kadadosaken 135.000
ton. Oesoel poenika babar pisan
boten njoelajani kalijan pradjandja-
janing Washington. Déné ing Inggris
inggang sapoenika sampoen gadah
baita maboer 107.500 ton inggih
soepados dipoensoekani wewenang
damel baita maboer inggang ageng-
ipoen sami kalijan ing Amérikah.

Wedaling mas. Nembé poenika
kapal *Bremen* ambekta mas pangaos
11 mlijoen dollar, kabekta dateng
Inggris kanggé Midland-bank. Ka-
tjarjosaken bilih Midland-bank waoe
taksih badé toembas mas malih
saking Amérikah pangaos 7 mlijoen
dollar.

**Samboetanipoen pradjara Parang-
akik.** Salebetipoen minggoe kapeng-
ker parlement nampi oesoel bab
samboetanipoen nagari Parangakik
dateng Amérikah katetepaken 4025
mlijoen dollar. Inggang ngroedjoeki
oesoel waoe wonten 239, inggang
boten 100. Oesoel kaladjengaken
dateng Senaat.

**Tijang inggang boten saged ma-
os lan njerat.** Manoet pakabaran ing
Daily Telegraph. Amérikah Sarikat
kalebet kajah pijambak inggang boten
saged maos toewin njerat.

Manoet pétangan djiwa kala taoen
1910, wonten laré oemoer sadasa
taoen 5 500.000 inggang boten ma-
ngertos a.b.c., lan wonten laré diwasa
3.500.000 inggang oegi boten saged
maos toewin njerat basa Inggris.
Nagari tansah amboedidaja sageda
ngitjali analphabeten waoe.

Ngendat modèl baroe. Ing Curtiss
Field (Long Island) mentas wonten
prawan ngendat mawi tjara énggal.
Prawan waoe njéwa montor maboer,
sarta kapoerih ngaboeraken doemoe-
gi inggil 1500 meter. Sareng doe-
moegi nggingil kenja *loehoer* nge-
ngakaken konten, ladjeng mantjot
dawah wonten satengahing saganten.

Kéwan saganten anèh. Sasam-
poenipoen kaangkah salebetipoen
4 djam, djoeroe misaja oelam 5
saged njepeng kéwan saganten anèh,
wonten tjelak Beach Have. Kéwan
waoe pandjangipoen 3,65 m.; wijar-
ing tjangkempipoen: 30 c. m. doe-
moenoeng wonten sanginggiling
endas; boten gadah oentoe nanging
oewangipoen atos kekah sanget,
angébad-ébad. Koepingipoen kados
koeping babi. Ing koeping wonten
mrpatipoen njatoénggal.

Pandjanging angsangipoen won-
ten 10 c. m., wangoenipoen kados
sigaran boewengan. Péranganing
badan inggang sisih ngadjeng won-
ten soekoenipoen, pandjangipoen
2,15 m. gadah dridji kalih.
Kèpèt inggang doemoenoeng ing

kiwa tengen woedjoedipoen kados
soewiwining lawa, wijaripoen kirang
langkoeng 2,75 m.

Kadjawi ing nginggil, kéwan wa-
oe kaprenah ing weteng warnipoen
djené, ing geger dadoe.

**BULGARIJE. Kaboedidajan ing-
gang kina pijambak.** Lembah Ka-
zanlyh Boelgari poenika misoewoer
dénig pamedalipoen mawar. Ing
ngrikoe kajah papan kanggé ndamel
lisah mawar.

Taoen poenika ing lembah Ka-
zanlyh saged panénan sekar mawar
katahipoen 7 mlijoen kilo, saged
dados lisah 1880 k. g.

Panénan sekar ing taoen poenika
langkoeng kajah 20% tinimbang
taoen kapengker. Mangka taoen
poenika ing lembah waoe kerep
kambah lindoe.

Pamedal lisah mawar samanten
poenika inggang sampoen kabekta
medal dateng sanès nagari wonten
500 k. g.

Katjarijos kaboedidajan sekar ma-
war ing lembah Kazanlyh waoe
wontenipoen sampoen kala djaman-
ipoen Herodes, dados kalebet kaboe-
didajan inggang kina pijambak.

ROESLAN. Nglawan Agami. So-
vjet ngawisi tetjjang mendet lan
njadé kadjeng (kerstboomen) kanggé
preloening rija 25 December.
Sinten inggang nerak kapatrapan
paekoeman.

Serat-serat kabar Roeslan sami
njarijosaken: padatan kerstboom
poenika nama nglawan revolutie.

AUSTRALIE. Kabinèt. Kabinèt
Australie inggang énggal anggadahi
warga Katholiek 7, i. p.

James Henry Scullin, minister Bui-
tenlandsche Zaken lan Nijverheid.
Edw. Granville Theodoere, minis-
ter financiën.

Frank Breunan, minister justitie.
Jos Aloys Lyons, pangageng
Pos, poenapadéné minister B. O. W.
lan Spoor.

Parker Moloney minister peken
lan transport.

Senator Daly vice-president Uit-
voerende Raad.

Franc. Mich Forde onder-minister
invoerchten lan uitvoerchten.

TOERKI. Andandosi arta. Pre-
mier Ismet Pasha wonten salebeting
nationale vergadering soeka rembag
soepados wanita Toerki sami ma-
nganggé badé wedalan Toerki pi-
jambak, poenapadéné soepados ang-
gènipoen pepaès mawia sekar
wedalan Anatolië kémawon. Pamra-
jogi makaten poenika preloenipoen
namoeng soepados tetjjang ambijan-
toe sedyanipoen Kabinèt andandosi
economie gagajoetan kalijan mlorot-
ing pangaosipoen arta nembé poe-
nika. Dados boten ateges mbaékot
badé-badé wedalan nagari sanès.

**DJERMAN. Késahipoen pradjoe-
rit Inggris.** Saradadoe Inggris sami
wonten Rijn sampoen kaoendangan
wangsoel. Telasipoen kala 12 Dec.

²⁾ Petikan saking tilgram-tilgram *Aneta*, lss.